

ԱՐԱՐԱՏ

ԱՄՍԱԳԻՐ

ԿՐՈՆԱԿԱՆ, ՊԱՏՄԱՌԻԹԻԿԱՆ, ԲԱՆԱԿԱՆ, ԲԱՐՈՑԱԿԱՆ ԵՒ ԱԶԳԱՅԻՆ

ԹԻԻ Ա. — ՇՐՋԱՆ Է.

1874

ՏԱՐԻ Է. — ՅՈՒՆՎԱՐ 51

ԿՐՈՆԱԿԱՆ

ՊԱՏՄԱՌԻԹԻԿԱՆ

Ժ Ո Ղ Ո Վ Ո Ց

ՀԱՅԵՍՏԱՆԵԱՅՑ ԵՎԵՂԵՑԻՈՑ

ՀԱՅԴԵՐՉ ԿԱՆՈՆԱԴՐՈՒԹԵԱՄԱՐԲ.

(Շարունակում է):

“Նորին Բե Նիլ” պարս է Լալիսկոպոսաց
դիւր-ըն-ըն-ըն պահել գիւնը” որքոյ Լալի-
դիւր-ըն, և Լալի որքոյ և “Նիլ” Ժապարկա-
րէլ:

“Նաւահանգիստ է ամենեցուն տաճարն
աղօթից և տեղի խնդրուածաց մերոց, զոր
յարանուեալաբար Լալիդիցի սովոր եմք կո-
չել, ունելով յիւրեան նաւապետ կարա-
պետութեան ղտեսուչ Լալիսկոպոսն, զի
խնամոտ և արդիւնարար կամօք անշարժ
ունիցի զսահման իւրոյ կարգին. վասն այ-
նորիկ առհասարակ ի Քրիստոս հաւա-
տացեալք ապաւեն ապաստանի ունին ըլ-
սուրբ Լալիդիցի. զի արդարոց և մեղաւո-

րաց է նաւահանգիստ և տեղի յուսոյ
փրկութեան մերոյ. և իւրաքանչիւր ոք
փութայ սրտիւ յօժարութեամբ զուստս
և զպատարագս և զընծայս իւր մատու-
ցանել. իշխանք զգեօղս և զգաստակերտս
և զգանձս ոսկոյ և արծաթոյ. այլք յան-
դաստանաց և ի պաճարոց և ի հանդեր-
ձից պատուականաց. ոմանք վասնանձանց
փրկութեան. կէսք յաղագս սիրելեաց և
ծնողաց. և զվախճանելոյն հատուցանել
մասունս, զարդ և պայծառութիւն կազ-
մելով ոգւոց և մարմնոց. քանզի անսայ-
թաք յորդորմամբ *). քանզի Տէրունա-
կան բանն զգուշացուցանէ ծառայից և
պատուիրանապահաց իւրոց թէ՛ “Ղան-
ձեցէք ձեզ դանձս յերկինս, ուր ո՛չ ցեց
և ո՛չ ուտիչ ապականեն և ո՛չ գողք ա-
կան հատանեն և գողանան”, և թէ՛
“Ղատարկաձեռն ամենեւին մի՛ երեւեցիս
առաջ իմ”, և “Ղեն այդրէն, ասէ, յերկ-
րի նուիրական տուրք ձեր, այլ ի կառս

(*) Բանդէ անուանի յորդորմամբ՝ թերութիւն զոյ
ի սմին, ուստի և միջանկեալ:

բարձրութեան երկնից, յանսխալ և անվրէպ գանձարանին, :

«Տեսանե՞ս զի Աստուծոյ են ինչքն, քանզի իւր համարի զտուրսն մեր և ոչ մարդոյ ումէք. բայց միայն զի պահապան և վերակացու է, տեսուչ է Ապիսկոպոսն. բազում ապա զգուշութեան պէտք են Ապիսկոպոսին և երկիւղի. զի եթէ որք զմարդկան աւանդութիւն կամ պարտս հոգան և տշխատութիւն կրեն ըղձալով թէ՛ երբ վճարիցեն, և եթէ դէպ լինիցի փոքր մի ինչ ծախել, զիր առնեն և վկայս անցուցանեն և երդնուն, զի մի՛ երեւեցին թերիք և դաւողք ի գործն իւրեանց. իսկ Աստուած որ քննիչ է խորհրդոց մերոց և չի՛ք ինչ արարած նմա աներեւոյթ, այլ ամենայն մերկապարանոց կայ առաջի տչաց նորա, . . . զի՞նչ պատճառս կամ հնարս հնարի Ապիսկոպոսն, յորժամ զաւանդն արքունի զգուշութեամբ ոչ պահիցէ, և ծախիցէ այնոցիկ՝ որոց ոչ իցէ օրէն: Այսպիսի ինչ յորժամ աւելի զգեստիւք զինքն պճնիցէ, և փերեթիցի սեղութեան և փափկութեան պարապելով, և ազգականացն զեղուցու տայցէ, և զկատակսն պարարիցէ, և զօրէն իշխանաց բարեկամս աննմանիս յաճախիցէ, և շնորհուկս առնելով ճոխաց և մեծատանց տացէ, այս է չարաչարն վատնել զարքունիսն, և պատժոց լինել արժանի: Առաքելական պատուոյ եղեր ժառանգորդ, պարտիս և վարուց նոցա նմանել, որպէս զիրք գործոց նոցա վկային. բաշխէին ամենեցուն, ում զիարդ պիտոյ ինչ լինէր. զի գանձն աստուածային, որում տեսուչ և մատակարարդ կարգեցար, նեղելոց և որբոց և այրեաց տուաւ յապաւինութիւն, և եթէ

միանգամայն ինչ աշխարհի վտանգ հասանիցէ: Բայց յայլ իրս ամենեկին չէ իշխանութիւն ծախել, զի յաղագս հոգւոյ փրկութեան տուան գանձքն. արդ եթէ որ յայլ ինչ ծախեսցէ, ընդ սեղանակապուտսն տացէ դատ յաւուրն դատաստանի, և պատիւն բարձցի ի նմանէ. զի թէ ժամանակաւոր թագաւորի գործակալք յանիրաւ իրս ծախելով զարքունիսն, պատիժս կրեսցեն և ի պատուոցն ի բաց անկանին, որչափ ևս առաւել որ զԱստուածայինսն վատնիցեն յանուղղայս, կրեսցեն պատիժս աստ և ի հանդերձելում. և թէ որ աչառիցի այնպիսեացն թոյլ տալով, կցորդ եղիցի չարեաց գործոց նոցա:

«Բայց և դու, ով մտացի հաւատացեալդ, որ յաղագս ի մեղաց քոց փրկութեան և ախտից զտուրս քո տաս, զի ի բաց ընկեսցես զծանրութիւն մեղաց քոց և զայլոց բազմացն այնպէս զիտես, ընդէ՞ր աճապարես զընկեցեալդ տաղտկալի բեռինսն այդրէն առնուլ. վասն որոյ մարդարէն սոսկայր թէ՛ Որպէս բեռն ծանր ծանրացաւ ի վերայ իմ. և երանի եթէ զքոյն իսկ ըզբեռն առնուիր, և ոչ զայլոցն. զի որչափ զառնուլն յաճախես քան զտալն, զմեղացն քոց սաստկացուցանես զբեռինսն. զի և զայլոցն ևս որ ընկեցեալն է ի վերայ քո, մթերես յօրէնսն և զընկերին զգրաստ անկեալ ընդ բեռամբք՝ չհրամայէ առնել անտես. Յարուցանելով յարուցես, ասէ, և դու զա՞նձն զլորես անկանգնելի խորտակմամբ: Աւ եթէ զայլ որ տեսանէիր անկեալ և բեկեալ, թերեւ ողորմէիր, և զքեզ անտե՞ս առնես. յափշտակես, զանաս զորբոցն և զայրեացն վարձս, կողոպ-

տես զսեղանն, և գարշել պատճառես ի մեհենացն :

“Արդ քեզէն տուր զիրաւդ. ոչ ապաքէն մինչ տաս զտուրսն ի տունն Աստուծոյ, զծանրութիւն մեղացն ընդ նմին հաւատաս ի բաց ընկենուէ, և յուսաս յաւիտենական պարգեացն լինել արժանի. ապա ուրեմն և առնուին հակառակ՝ զնորին զմեղացն զքեռինսն այդրէն ի քեզ կուտէ, և մշտնջենաւոր տանջանացն լինի առիթ. զի՞նչ օգտիցէ այնպիսի շնորհ որ զանձն տուժէ և կորուսանէ, և ոչ գտանէ փրկանս անձին իւրոյ :

“Դ՛ուր աստուածային գրոցն և ուսի՛ր բարեմտութեամբ. որոց վայելել հրամայէ այնու ընչիւք. Սեղանոյն պաշտօնեայքն, ասէ, ի սեղանոյ անտի կերակրին. և զի՞նչ է կերակուրն, յայտ առնէ : Օմեղս ժողովըդեան իմոյ, ասէ, կերիցեն. վասն այնորիկ իսկ ազդէ պատրաստ կալ, թէ՛ Աւրիք մինչ չե էք ննջեցեալք, ոյք ուտէք զհաց ցաւոց : Տեսանե՞ս զգորութիւն կերակրոցն. քանզի և այլուր յայտնագոյն զգուշացուցանէ քեզ զպատուելն հրաման տալով, թէ՛ Հպատակ կացէք նոցա, զի նոքա տքնին վասն ոգւոց ձերոց, որպէս թէ համարս տալոց են ընդ ձեր :

“Արդ ընդէ՞ր զայնպիսի ծանրութիւն ձգես ի քեզ և զտոյժս անհնարինս, որ զկէս զիշերն թերեւս արբեցութեան պարապիցես. թողում ասել զայն, ևս և յորսայս անկեալ պարապտիցին ընդերքը՝ թաւելովն և թառանչելովն, և ի պղտորութենէ որովայնին յորձանաց և սաստիկ գոլորշեացն, որ և զձայնն անգամ լսել պաշտաման դժուարանայցես, թող թէ հսկել և տքնութեան պարապել :

“Արդ որպէս հեռի ես ի վաստակոցն աշխատութենէ, հեռանալ պարտիս և ի վարձուցն յափշտակութենէ, և քոյովն շատանալ. դու աւագիկ զանց արարեր ըզճառեցելովք որբոցն և այրեաց և տնանկաց, և որ ոք այլ կամիս տալ զկնի քո. քանզի և յաղազս նոցա ապաւինութեան է գանձն աստուածային, որպէս վերագոյնն ասացաք. զի և նոքա մասնաւորք են, զորբրս և զայրիս ընդունի Տէր : Եւ թէ՛ Աչք նորա ի տնանկա հային : Արդասցեն, ասէ, առ իս, և ես լուայց նոցա :

“Արդ ընդէ՞ր զնոսա կացուցանես քեզ ոսոխս և չամաչես. զմուրոյ հացիկն թէ ունէր առաջի քո, գարշելի թերեւս և անարգանս համարէիր զառնուին. և զինչն անխղճաբար կորզել, և ոչ կասկածես, եւ թէ հաւասար է այնմ մուրոյ. նոքա կողկողին զտառապանսն և զնկողութիւնս և զվիշտս իւրեանց պատմելով, մինչև ցամաքին լեզուքն ի բերանս և վտանգին. ըզվէրս և զխեղութիւն մարմնոցն մերկացեալ ցուցանեն. երիթացեալք, բրդզեալք, դողան, սառսոին՝ զի գէթ հուն այնպէս ինչ գտանել կարացեն ծածկոյթ առնել առականացն իւրեանց : Եւ դու անիրաւ և դրուագեալ բանիւք զնոցայն շոպելով, ի մոռացօնսն կամիս դարձուցանել. զի փութաս այրի առնել զկին քո և որբ՝ զորդիսն, մուրող և թափառական. զի կողկողին առ դրունս վատթարաց. և ապա յիշեցէք զբանն Տեառն Յիսուսի թէ՛ երանելի է տալն մանաւանդ քան զառնուին :

“Ասան որոյ աղաչեմ և վկայութիւն դնեմ ձեզ առաջի Աստուծոյ և Յիսուսի Քրիստոսի, որ գատելոցն է զկենդանիս և

զմեռեալս ի յոյանութեան իւրում և յարքայութեան, զի մի՛ ումէք եղեցի թեւրի գտանիլ ի մասինս յայսմիկ, զոր պատուէր տալով ուսուցաք զօգուան և ըզպայծառութիւն հոգւոց և մարմնոց, և զի՞նչ օգուտ մեծագոյն քան զայն կայցէ, կամ զուարճացուցանող խնդութիւն, յորժամ Լպիսկոպոսն ըստ Աստուծոյ հաճոյիցն խնամ տանի Լկեղեցւոյն, և դասք պաշտօնէիցն գովութեամբ յորդորել զՊաղմոսն գեղգեղելով հնչեցուցանիցեն, և այլքն առ հասարակ գումարեալք՝ փառս տացին ամենայաղթ Տէրութեանն, որք և այրիք յանձանձեալք՝ այնպիսի կարգաւ բաւական լինին բանալ զողորմութեան դրունսն, երկինք ամբարական լինելով ցոյց, երկիր ցորենւոյ, զինւոյ և իւղոյ, պաճարանոց դալարադարութեամբ և բոլորովինք իսկ ըղձալի կենաց իշխանաց և թագաւորաց ։

Արտաքոյ այսոցիկ երկուց կանոնական Ընդհանրական ասացեալ թղթոց սրբոյն Սահակայ գտանին յընդարձակ կանոնադիրս և այլ կանոնք զլեակարգութեամբ յանուն նորա, զորոց զհամառօտսն յառաջ բերէ Չամշեան օրինակ զայս ։

Վասն Լպիսկոպոսայ և Վորեպիսկոպոսայ ։

Ա. Իմաստունք և եթ ձեռնադրեսցին Վորեպիսկոպոսք ։

Բ. Վորեպիսկոպոսք ուշ զիցեն, զի սուրբ սեղանն խորհրդոյ զարդարեալ պահեսցի, և անպակաս լիցի առաջն նորա լոյս ճրագի ։

Գ. Մերձ սեղանոյն կամ յաւանդատան լիցի մկրտատուն, յորում իցէ աւաղան մկրտութեան ։

Դ. Վարգեալ սաղմոսերգութիւնք անխափան կատարեսցին Եկեղեցւոյ ։

Ե. Համենայն ժամ հսկեսցեն ի վերայ պաշտամանց Լկեղեցւոյ, և յամենայն տարւոյ շրջեսցին ի թեմս իւրեանց տեսանել, թէ՛ ճշպէս կատարին ժամերգութիւնք յեկեղեցիս, և ուղղեսցեն ։

Զ. Լթէ տեսցեն զօր յերիցանց կամ ի կղերիկոսաց յուլացեալ ի պաշտամունս Լկեղեցւոյ, պատուհասեսցին ։

Է. Լթէ գացեն յեկեղեցականս զարեցող ոք, կամ անառակ և կամ պղերգ, որոշեսցին ի կարգէ պաշտօնէից ։

Ը. Օգուշացին զի պօռնկորդիք և երկկինք մի՛ ելցեն յաստիճան կղերիկոսութեան ։

Թ. Մի իշխեսցեն կեղեքել զժողովուրդս ։

Ժ. Համեստ դնացիւք վարս ուղիղս յանձին ունիցին յօրինակ այնոցիկ, որ ընդ ձեռամբ նոցա խցեն ։

Վասն Վահանայից ։

Ա. Վահանայք մի՛ լիցին տգէտք կամ ցոփք ։

Բ. Վահանայք փոյթ տարցին տալ ուսուցանել զմանկունս իւրեանց ։

Գ. Ղլխաւոր քահանայն միշտ կացցէ յեկեղեցւոյ, իսկ այլք շաբաթ առ շաբաթ փոխանակաւ ։

Դ. Ի մկրտել քահանային մի՛ սպասաւորեսցէ քահանային կին ոք ։

Ե. Ի լինել քահանայի՝ տարկաւագունք մի՛ մկրտեսցեն ։

Զ. Պատարագիչ քահանայն կացցէ յեկեղեցւոյ ի տան զլխաւոր քահանային ։

Է. Վլխաւոր քահանայն կրկին առցէ յիկեղեցական հասից :

Ը. Յամենայն ամի յետ զատկին առցեն քահանայք զիւղ Մեռոնի ի Մեծ Հայրապետէն (այս ինքն յընդհանրական Կաթողիկոսէն) :

Թ. Չվարագոյր սեղանոյն մի՛ յանդրդնեցին ալ քահանայք յառաչաստ հարսանեաց, և մի՛ զսկիհս յանօթ ըմպելոյ, և որ զայս արասցէ, լուծցի յամենայն կարգէ :

Ձ. Քահանայք մի՛ իշխեսցեն գործակալութիւնս առնել ի տունս աշխարհականաց :

Ձա. Վերեզմանք քահանայից լիցին առհանգստարանի ժողովրդականաց, և մի՛ վասն պատուոյ ի մէջ Եկեղեցւոյ ի տեղիս սրբութեան :

Ձբ. Քահանայք մի՛ տարցեն զսրբութիւնն ի տունս աշխարհականաց, և անդ տացին նոցա, բայց եթէ վասն հիւանդաց :

Ձգ. Ուսուցեն զժողովրդականս զգուշանալ ի չարէ, և զանուղղայն պատուհասեսցին :

Ձդ. Չտղայս մի՛ պսակեսցին :

Ձե. Սոյնպէս և զչափահասս, եթէ չիցին հաւանեալ ընդ միմեանս :

Ձզ. Վննեսցեն զգուշութեամբ զի մի խարդախութիւն ինչ լիցի, կամ բռնութիւն ծնողաց ի պսակիլ որդւոց նոցա :

Ձէ. Միաբան կատարեսցեն զպաշտօնն :

Ձը. Եթէ զիտացեն, թէ ոք կերեալ ինչ իցէ ի տան և կամեսցի հաղորդիլ՝ մի՛ հաղորդեսցին զնա :

Ձի. Չտուրս նուիրաց ընծայեալս քահանայից յԵկեղեցւոյ, աշխարհականք մի իշխեսցեն բաժանել յիւրեանս :

Ի. Չհաս Եկեղեցւոյ՝ զորս ըստ սահմանադրութեան նախնեաց սովոր են աշխարհականք ալ քահանայից, մի՛ ծախեսցին ընդվայր :

Իա. Մի՛ թոյլ տացին քահանայք զինքեռս առնել ի սուգս մեռելոց, և կամ կոծ զնիւ և աշխար առնել :

Իբ. Քահանայք զյանցուցեալսն ի ժողովրդէնէ իւրեանց մի՛ առանց քննութեան մեթեսցին ի բաց, և մի՛ պատուհասեսցին զժողովուրդս այլոյ քահանայի :

Իգ. Արօնաւորք և վանականք մի՛ խառնեսցին յիրս աշխարհականաց, ոյլ յամենայնի հրաժարական կեանս ունիցին :

ԳԼ. Է.

Երկրորդ Ժողով ՅԱշտիշատ յառաջն Բեթին Սահակայ և սրբոյն Մեսրոպէայ վասն ընդհանելոյ զԺողովն Եթիւսոսի և հերեւելոյ զԲերսեթիս Սահակայի Սահակայոց՝ վարդապետին և լեւորի :

(Եւք Տիառն 435)։ Չժողովն երկրորդ ՅԱշտիշատ վասն ընդունելոյ Հայաստանեաց զժողովն Եթիւսոսի, մի անգամ դառնեմք արարեալ սրբոյն Սահակայ առ ժամանակակից պատմագիրս մեր՝ և ոչ երկիցս, որպէս գնէ Միք. վարդապետ Չամչեան յամս Տիառն 432 և 445, որ թէև վկայ կոչէ այսմ յայտնի վերպանաց իւրոց զանուանս յիշեալ ազգային մերոց պատմագրաց այն է Մովսիսի Կորնեսացւոյն և Աորնոյ նորին ազգակցի, բայց զբանսնոցին ոչ յառաջ բերէ ըստ սովորութեան իւրում ի հաստատութիւն բանից իւրոց, զի մի՛ յայտնեսցին սխալանք իւր, և անհաւաստի տեղեկութիւնքն յառաջ բերէ

րեալս՝ նորա ի բանից սինհոգոսաց Լատի-
նացւոց որպէս ինքն ասէ, և երեւցի սը-
տութիւն երկիցս նամակագրելոց սրբոց
հարց ժողովոյն առ այն առ մերս սուրբ
Սահակ. զորմէ ստորեւ :

Յերկուց անտի պատմագրաց մերոց ժա-
մանակակցաց սրբոյն Սահակայ Խորենա-
ցին Մովսէս ըստ իւրում համառօտագը-
րութեանն զայսչափ ինչ գրէ յաղագս ժո-
ղովոյն Լափեսոսի, առանց յիշատակելոյ և
զժողովն առնել սրբոյն Սահակայ և Միս-
րովբայ առ այս յԱշտիշատ, թէ՛ «վասն
զի ոչ հանդիպեցան յայնմ ժողովի (յա-
փեսոս) մեծն Սահակ և Միսրովբ, որեն
առ նոսա Կիւրիզ Եղէքսանդրացի և Պը-
րոկը Կոստանդնուպօլսի և Եկակ Մելի-
տինոյ Լափսկոպոսք, զգուշացուցանելով
զնոսա. քանզի լուան եթէ ոմանք ի չա-
րափառացն աշակերտաց առեալ զգիրսն
Թէոդորոսի Մամուկեստացւոյ զվարդապե-
տին Նեստորի և զաշակերտին Թէոդորի՝
գնացին յաշխարհն Հայոց: Եպա եկեալ
Թարգմանիչքն մեր . . . գտին զմեծն Սա-
հակ և զՄիսրովբ յԱշտիշատ Տարոնոյ,
և մատուցին զթուղթսն և զկանոնս ժո-
ղովոյն Լափեսոսի՝ վից սահմանեալ կանո-
նաւ գլխով, և զստոյգ օրինակս գրոց, (այս
ինքն Լատուածաշնչին):, Գիրք. Գ. ԿԵ:

Իսկ Կորիւն՝ որ մի ի յիշեալ Թարգման-
չոցն էր բերողաց զթուղթս ժողովական
հարց ի Կոստանդնուպօլսոյ առ սուրբն
Սահակ, պարզարար իսկ գրէ զերկրորդ
ժողովոյն Աշտիշատայ, ուր սուրբ հարքն
մեր որպէս ընկալան զսուրբ ժողովն Լափե-
սոսի ընդդէմ Նեստորի մարդադաւանին,
նոյնպէս և հիւրեցին զգրուածս Թէոդո-
րոսի Մամուկեստացւոյ, յասելն:

«Յայնմ ժամանակի բերեալ երեւցան
ի Հայաստան աշխարհին զիրք սուտապա-
տում ընդունայնախօս աւանդութիւնք
առն ուրումն Հոռոմի, որում Թէոդորոս
անուն. վասն որոյ Սինհոգոսական Հայ-
րապետացն Լեկեղեցեաց սրբոյ նշանակե-
ալ աղբ առնէին ճշմարտահաւատ փա-
ռաւորչացն Սահակայ և Մաշտոցի. և նո-
ցա ճշմարտասէր փութով զայն ի միջոյ
բարձեալ աշխարհահալած արտաքոյ իւր-
եանց մերժեցին, զի մի ի լուսաւոր վար-
դապետութիւնն ծուխ սատանայական
յարիցէ,»

Չայս հաստատէ և Յովհան Խմստա-
սէրն կոչեցեալ Հայրապետ ի պատմու-
թիւն սղգային ժողովոց գրեալս յինքննէ
ի սրբոյ Լուսաւորչէ անտի մերմէ մինչև
ցինքն. որ արար զժողովն ի Մանաղիկոս.
այսպէս ասելովն:

«Երկրորդ ժողով արար սուրբն Սա-
հակ և երանելին Միսրովբ յԱշտիշատ,
յորժամ հափն թուղթքն ի Կիւրղէ և ի
Պրոկղէ, որք Լափեսոս երկու հարիւրքն
ժողովեալք, յորժամ զՓառքն ի բարձու-
նըս կարգեցին, յաճախելով ի բանս հո-
փուացն պարսպելով ընդդէմ Նեստորի
անիծելոյ,»:

(*) Այսօրինակ վկայի գարձեալ և ի պատ-
մութիւնս ժողովոց, որ գրեցան յետ մահուան
Մովսէս Կաթողիկոսի. ի ժողովն Գլխայ. յո-
րում էին Թէոդորոս Մարդապետական Եպիսկոպոս
և այլք, զոր ունիմք յառաջ բերել ի տեղոջ
իւրում. (ի ձեռագիրս): Վկայէ այսմ և Միս-
թար Գօշ ի թուղթն իւր առ Զաքարէ սպասա-
լար յաղագս ժողովոց Հայաստանայ Եկեղեց-
ւոյ. (ի ձեռագիր օրինակին):

Յայսցանէ ահա յայտնի երևի զի սուրբն Սահակ սէ եթէ ի Մաքսիմիանոս պատրիարկէն ընկալեալ էր զթուղթ և զկանոնս սուրբ Ժողովոյն Ափեսոսի, այլ ի Սիւրդէ և ի Պրոկղէ ընկալաւ զգիրս և զկանոնս. ընդ որ և ինքն հանդերձ Սեբուլբաւ երանելիաւ երկրորդ անգամ Ժողով արարեալ յԱշտիշատ Տարոնոյ, ընկալաւ զկանոնս սրբոյ Ժողովոյն և խոստովանեցին ըստ Խորենացւոյն բանի՝ մի որդի Աստուծոյ՝ զՏէր մեր Յիսուս Քրիստոս, և Աստուածածին՝ զամենասուրբ կոյսն Մարիամ, և մերժեցին զՆեստոր և զազանդ նորա. մերժեցին նոյնպէս և արտահայտած արարին ի Հայաստան աշխարհէ ըստ զրեւոյն Սորնոյ՝ զգիրս Թէոփորոսի Մամուկսաացւոյ, և զՓառս ի բարձունն ընկալան և կարգեցին ի ժամակարգութիւնս Հայաստանեայց Ազնկեցւոյ:

Աստի երևի ի վերոգրեցոց հաւատեալ, եթէ Միքայէլ Չամչեան յանտոյդ արքեւրաց իցէ առեալ զսուտ անդիւթիւնն և խանդարեալ այսպէս զըստոյդ պատմութիւն Ժողովոյ Հայաստանեայց Ազնկեցւոյ, որ ընդդէմ ժամանակակից պատմադրաց ազգիս երկիցս զնէ արարեալ Ժողով սրբոյն Սահակայ յԱշտիշատ բաց յառաջնոյն, վասն Ժողովոյն Ափեսոսի. և թէ գրեալ իցեն թուղթս նախ Մաքսիմիանոս և ապա Պրոկղ Ապիսկոպոսք Առաստանդնուպոլսոյ առ մերն Սահակ Հայրապետ: Արում և անընտրողաբար հետեող երևի Միքայէլ Սալանթեան, զնկով յաղեւսակի պատմութեան Ժողովոյ երկրորդ և երրորդ Ժողով յԱշտիշատ յանուն սրբոյն Սահակայ (ի ազգերեալ աղեւսակն):

ԳԼ Ը.

Եւաղէն Ժողով է Շահապէլան, որ էրանկանն, որոշանայ վասն օրինականից:

(Եմք Տեառն 447): Ի միջոցի եօթնամաց մահուան սրբոյն Սահակայ և Սեբուլբայ ի սկզբան վրդովման սասանութեան համօրէն Հայաստանեայց յերեսաց Յազկերտի արքային Պարսից, յորում ժամանակի և բարձեալ էր ի նորոյ թագաւորութիւն Երշակունեաց, մահաւ էին արդէն յոմանս յեկեղեցականս Հայոց և յաշխարհականս մեծամեծ անկարգութիւնք ի տեղիս տեղիս. սակա որոյ և վարդապետք ժամանակին և նախարարք ազգիս հասեալք առ Յովսէփ Պաթուղիկոս, որ յաշտիկրաութենէ սրբոյ թարգմանչացն էր, խնդրեցին ի նմանէ առնել Ժողով ի դարման չարեացն յեօթնրորդում ամի Հայրապետութեան նորա:

Աստի նա խորհրդով Եւաղանւոյն ըզնորընծիւղ չարեացն կամեցեալ ի բաց խիլ զորոմն ի բազմաց սրտից, արար Ժողով ի Շահապիւման մերձ յաւան Բագուան որ ի Բագրեւանդ գաւառի ի սահմանակցութեան Նաղիկոսն գաւառի ի սարեմաի Հայոց յոմանս Վաւասարդի յաւաւր տօնի սրբոյ Պարսապեալին. յորում էին քառասուն Ապիսկոպոսք, ըստ զրեւոյ իմաստասիրին Յովհաննու ի պատմութեան Ժողովոյ, և երկուք և վանականք և սարկաւազք ու խա Ազնկեցւոյ. որոյ ըզպատմութիւն և վիանոնս եղեալս ի նոցանէ ի նոյն լրութիւն առաքելական և Նիկիական կանոնաց հաստատութեան, որպէս գրի ի սկիզբն նախադրութեան յիշեալ կանոնացն, ամբողջութեամբ յա-

առջ բերեմք աստանօր ի ձեռագիր կանոնագրաց, ազանց երկրորդելոյ մեր զայն :

«Սահման և հանձն զոր եղին Վարդապետ և այլոց ի լրոսն առաքելական և Աթլիական կանոնաց հասարակութեան, :

Նախորդութիւն .

«Պարտ և պատշաճ է նաւապարին հոգալ զիրա նաւին և զշաւիղս ծովուն նկատել, և ըստ հոգմոյն յաջողութեան գնալով ի վերայ մկանտնց ծովուն. նոյնպէս և զօրավարին յամենայն ժամ զզօրսն տեսանելով և ի հանդիսի անցանել զայրենախի, զձի ընտիր, զվէն զանձամբ և ապա սպառազէն զերիվարաւն, ակն ունել ճակատուն յալթող դատնիլ, և առնուլ զպսակն ի թաղաւորէն. տպա առաւելուպէս արժան է վարդապետաց Աթլիղեցւոյ, հովուաց և Առաջնորդաց արդարութեամբ և ստոյգ պատուիրանին Աստուծոյ կենդանւոյ յամենայն ժամ յօրէնան Տեառն խորհել ի տուէ և ի զիշերի, և զմանկունս Աթլիղեցւոյ նորափետուր զարգարել ի Տէր, :

«Յեա փոխելոյն յերկրէս վարդապետաց հարցն արդարոց և ճշմարիտ օրէնսդիր առաջնորդացն, մանաւանդ սրբոյ քահանային Սահակայ և այլոց Վաթուղիկոսի և հոգելից հոգեկիր ճշմարիտ վարդապետին Սեբրովբայ՝ որ լուսաւորեաց զերկիր և այլոց, ի փոխիլ նոցա յերկրէս, լինէր եղծումն և քոյքայումն կարգաց և օրինաց սրբոյ Աթլիղեցւոյ, որպէս տեսանէր յառաջնորդին ի տեսլանս քահանայապետան Սահակ, և կամ ևս յառաջ մեծն Վրիգորիոս. և բազմանային, որք յաճախէին ի գործս պղծութեան և յիստ ընդդէմ զը-

նացից. ի ցամաքել սիրոյն բազմանայր առօրէնութիւնն, և ոչ որ էր որ քաղէր զորումն և կտրէր զգաղձն վնասակար. քանզի արմատացեալ էր սէղն և տարածէր օր աւուր և լինէր յաճախումն մեղքնից, կնահանից, պոռնկաց, անձնակամաց, զոռոց և ամենայն չարագործաց յաշխարհին և այլոց ի մէջ տանն թորգոմայ, և լինէր սուգ և տրտմութիւն որ էին ի ժամանակին Վարդապետք, Ապիսկոսոսք և երկյունք և ոյք ունէին զուխա սուրբ պաշտօնեայք Վրիստոսի և մանկունք Աթլիղեցւոյ սրբոյ, :

«Այլ և յուխտէ քահանայիցն ոչ գնալին ըստ սրբութեան ճանապարհին, և մանաւանդ զի ոչ էր ի ժամանակին յայնմիկ իշխանութիւն ի ձեռս նախանձայոյզ ազգին Սամիկունից, զի հնազանդեալ էին համարձակելոց Պարսկային թագաւորութեան. զի թէպէտ և հեծէին և մռնչէին ի նմանութիւն կորեանց առիւծոյ Վարդանն Սամիկունեան ազգաւ իւրով հանդերձ եղբարքք, այլ կային իբրեւ ի դառագղի արգելեալք, և ակն ունէին վերին օդնականութեանն, և տային զիշխանութիւնն ի ձեռս նոցա, :

«Ապա օր աւուր բղնէ զբան և զիշեր զիշերի ցուցանէ զգործսն արդարութեան, բան առ բան հասանէր, և մարդ ի մարդոյ հնչիւն լինէր յիւրաքանչիւր լսելիս. և զայնին, Ժողովին ի հրամանէ միարանութեան յեղեալ կէտն ի Հահայիվանի բանակաւ թագաւորացն և այլոց ի ժամս նորարեր Տօնին, :

«Եւ լինէր այս ի Վ.Յ. ամի թագաւորութեանն Յազկերտի Պարսկց տաքայի և Վասակայ Մուշեղ մարզպանին և այլոց

և Վահանայ Ամատունւոյ հազարապետի և Վրուայ Խոռխոռոնւոյ Մաղխաղի, և գային ժողովէին Նալիսկոպոս քսան և երիցունք բազումք, սարկաւագք և նախանձայոյզ պաշտօնեայք Վրիստոսի և համօրէն ուխտք Նկեղեցւոյ՝ իշխանք, գաւառապետք, գաւառակալք, պետք, բռնաւորք, զօրազլուք, հարիւրաւորք, ազատք, կուսակալք կողմանց կողմանց մեծ աշխարհին Հայոց, նախարարք ամենայն առաջի Վասակայ մարզպանի և Վահանայ հազարապետի և Վրուայ Մաղխաղի, և առաջի զխաւոր եպիսկոպոսաց՝ Վազարայ, Տաճատոյ, Երտակայ, Գաստոյ, Նափրեմի և այլոց բազմաց երիցանց զխաւորաց՝ Յովսէփայ, Յովհաննայ, Սեղաւայ, Ներսիսայի, Եսպարուկայ, Գանիէլի, Գեւորգի սրբոյ, Նդիշէի զբան երիցու և այլոց սրբասէր քահանայից, որք էին նախանձախնդիր օրինացն՝ առաջի աւագ նախարարացն քաջին և կորովւոյն Վարդանայ Մամիկոնեանւոյ և Երշաբայ Ամատորականի և Մանածիհրի Ռշտունւոյ սպարապետին Հայոց և Օկայ Գիւմաքսեանի և այլոց նախարարաց, որք միաբանեալք էին և հաւանեալք արդար օրինաց և քրիստոսական պաշտամանն, և միաբան բարբառէին այսպէս, եթէ՝

«Օ եղեալ զկարգն սրբոյն Գրիգորի և զՆերսեսի և զՎահակայ և զՄաշտոցի դուք այդրէն հաստատեցէք, և այլ ևս լաւ, որպէս ձեր կամք են, և մեք անորժեւով յանձին ունիմք. զի կարգք Նկեղեցւոյ թուլացան, և մարդիկ յանօրէնութիւն դարձան. արդ որ օրէնք Աստուծոյ — հաճոյ են և Նկեղեցւոյ, դուք զայն կարգեցէք, և մեք հնազանդիմք, և եթէ որ

հաստատուն ոչ պահէ զկարգս օրինացն Նալիսկոպոս կամ երէց, կամ աղատ, կամ շինական՝ պատուհասեցի և տուգանս տացէ,,:

«Եւ զայս աստեցիալ քահանայապետիցն, եթէ Նաաքեղականն և Նիկիականն հաստատեալ կացցէ՝ որպէս և էն իսկ, և մեք հնազանդ եմք. բայց որ ինչ պիտոյ է ի լրութիւնս ինոյն կանոնս, և մանաւանդ ի մջ տօնոս (Յորդովայ) հաստատեսցի, Եպոս կարգեցին և եղին այսպէս,,:

Սահման և կանոնս զոր եղին Վարդապետս Հայոց՝ ի նոյն լրութիւն Առաքելական և Նիկիական կանոնաց հաւասարութեան:

ա. Եթէ Նալիսկոպոս որ զացի ի պղծութեան և կամ ի պոռնկութեան և կամ զհեշ և իցէ վատթարութեան, և զառաքելական պատիւն անարդեաց և ըզսուրբ Եթոնն, այնպիսումն ասէ զիր, Ընդ դողս ընթանայիր, ընդ շունս դնէիր զվեճակ քո, և վկայութեամբ ի յայտ եկեսցէ, յաթոռոյն ի բաց մերժեսցի և զքահանայութիւնն մի պաշտեսցէ, ՌՄ. զըրում ի սուրբ Եթոնն սուգանեսցի, և անձին իւրում լիցի մեղադիր. քանզի Մարդ ի պատուի էր և ոչ իմացաւ. և զսուգանն կարօտելոց բաշխեսցեն. զի պարտ էր նմա յամենայն ժամ յօրէնս Տեառն խորհել և մի զարտուղի անկանիլ, և մի աշակերտեալք զնոյն մատուցեն:

բ. Երէց որ զացի ի պղծութիւն կամ ի պոռնկութիւն, կամ յայլ վատթարութիւն, և վկայութեամբ իրքն ի մջ եկին, զերիցութիւնն մի պաշտեսցէ, երեք հարիւր դրամ սուգանեսցի յաղքոտս, և

նա ի դպրաց կարգի կացցէ. ապա եթէ ի դպրութեան ի նոյն պղծութիւն գացի, ի կարգէն ելցէ և ի դպրութենէն կենաց, մինչև ի կարգ ուղղութեան եկեսցէ ապաշխարութեամբ: Աւ անհաշիւ Ապրիսկոպոսին զձանադարհն նորա, ի դպրաց կարգ մացէ: Արիցու և սարկաւազի կանոն՝ այդ կացցէ. զի եկեղեցի և սուրբ սեղանն, մանաւանդ Տէրունական խորհուրդն զանաբառս ընդունի, զի մի՛ բարկութիւնն Աստուծոյ զարթոյցէ ի վերայ երկրի ի ձեռն Առաջնորդի:

Աթէ կնաւ երէց գացի ի պղծութեան և կամ յայլ գործս և ստուգեցաւ վկայիւք, քահանայութիւնն լուծցի, և յեկեղեցոյ բաժնէ հնուացի. երեք հարիւր դրամ տուգանս տացէ ի կարօտեալս. թէ երէց թէ սարկաւազ՝ կանոն այդ լիցի. և նոքա ի զինուորաց կարգի կացցին ի բաժնի և ի հարկ արքունի. և ընդ պաշտօնեայս մի՛ խառնեցին: Ապա եթէ կին երիցուն կամ սարկաւազին ի շնութեան գացին, ընտրոյ անարք նոյն լիցին. կամ զեկեղեցին ընտրեցին և զքահանայութիւնն, կամ զկինն. եթէ զքահանայութիւնն, զկինն ի բաց թողցէ, ապաշխարութիւն խիստ ի վերայ դիցին:

Ապա թէ դուստր քահանայի գացի ի պոռնկութեան, եկեղեցոյ բաժնի մի՛ իշխեսցէ. և խիստ ապաշխարութիւն դիցին և պատուհաս. և որդւոց երիցու նոյն լիցի. եթէ երէցն մեռցի, կինն առն չիշխէ լինել, նոյնպէս և երէցն: Աւ աղախին պոռնիկ ի քահանային ասն մի՛ լիցի, զի սրբութիւն Տէառն է:

Բ. Աթէ որ կին ունիցի և պոռնկիցի, և զկարգ ամուսնութեանն սրբութեամբ

ոչ պահիցէ . . . զայնպիսին կշտամբեսցին գլխաւորք գանիւք և բանիւք օգտակարօք և յեկեղեցոյն հանցին . . . : Աթէ ազատ է և գան չմարթի հարկանիլ ի տուգանն և յապաշխարութիւնն յաւել երկու հարիւր դրամ յեկեղեցի, երկու հարիւր դրամ կարօտելոց, երկու ամ ապաշխարութեամբ, ապա մտեալ յեկեղեցի՝ ընդ ընկերս խառնեցի: Աթէ շինական, գան յոլով արբցէ, հարիւր դրամ տուգանս տացէ յեկեղեցի և յաղքատս, և մի ամ ապաշխարեսցէ . . . մացէ յեկեղեցի. եթէ այր, եթէ կին՝ կանոն այդ լիցի . . . : Այս կանոն լիցի նա և կուսի և երիտասարդի. և ըն:

Դ. Աթէ թողցէ որ զկին իւր առանց բանի պոռնկութեան, կամ վասն արատոյ ինչ ի մարմնի, զորդիսն և զկեանսն և ըզհոզ և զջուր բաժանեցին, և զկէսն կրնոջն տացեն. և եթէ կամք են այլում վրնիլ, համարձակ զբաժինն կայցին և զարքունի հարկ ողջ արասցին. և այրն որ եթող, եւթն ամ ապաշխարեսցէ, և յեկեղեցի տուգանս տացէ. եթէ ազատ է, երեք հարիւր դրամ. եթէ շինական, գան արբցէ և հարիւր դրամ յեկեղեցի՝ վոխանակ զօրհնութեան պատին խոտելոյ:

Ե. Աթէ կին արար որ, և կինն ամուլ պատահեաց, և այրն հանցէ վասն ամուլութեանն, որ ինչ կնոջն բերեալ էր ի առնն . . . առնուլ փշխեսցէ և գնալ. եթէ քան զամուլութիւնն այլ արատ չկայ, տուգան ևս տացէ կնոջն վասն անարգանացն, եթէ ազատ է, հազար երկու հարիւր դրամ, եթէ շինական՝ հազար դրամ . . . : Ապա եթէ առնն յառաջագոյն խորհուրդ էր զիւր կինն թողուլ և զայլ տունուլ, և

կամ պոռնիկեալ էր ընդ նմա, հարիւր դըրամ այրն տացէ յեկեղեցի. և ապաշխարութիւն առնն երեք ամ ընդ ունկնդիրս, մի ամ ընդ ձեռամբ. մտցէ յեկեղեցի. . . :

Դ. Անգղամ կանանց որ յառնէ երանիցն, զկինն կալցին և ցայրն տացին. . . :

Ապա եթէ այրն շնաբարու է կամ պոռնիկ . . . դանիւ և խրատու կշտամբեացին զայրն և հնազանդեցուցին. եթէ ազատ է, տուգանօք զայրն ի կարգ արեցին. եթէ դիւրաւ փոխեացի այրն, կինն պաշտօնեցէ զնա:

Է. Որ բռնութեամբ և անիրաւութեամբ առեանգին, կալցին զկինն և տացին ցըհայր և ցմայր, և տուգան տացին փոխանակ անարգանացն. թէ ազատ է, և թէ շինական՝ հազար դրամ. . . : Ապա եթէ սուտ փեսայն ընդ աղջկանն պոռնիկեալ առանց պատիի, տուգան կալցին յեկեղեցի. և երեք ամ ապաշխարեացէ: Ապա եթէ երէց որ զազտ պսակ եղ առանց հօր և մօր աղջկանն, երէցն զքահանայութիւն մի իշխեացէ վարել և հարիւր դրամ տուգանեացէ կարօտելոց. և պատին անվաւեր եղիցի: Ապա եթէ յետ խռովութեան և տուգանաց դարձեալ ի հաւանութիւն գան. . . և յառաջ պոռնիկեալ իցին, պրսակ մի օրհնեցեն, այլ երկրորդի ուր օրհնեցեն, ապա եթէ կուսանք կացեալ իցին, պսակ օրհնեցի: Թէ ազատ, թէ շինական՝ կանոն այդ կացցէ:

Ը. Եթէ որ ի կախարդութեան դացի կամ յուրացութեան և կամ յայլ ի չար գործս, և ի զղջումն և յապաշխարութիւն ոչ եկեացին, ըստ զրոյց հրամանի քարկոծ լիցին. ապա եթէ խոստովանեցի, մինչև ցիւհ իւր ապաշխարեացէ, տանեւ

կու ամ ընդ ունկնդիրս. և մտեալ յեկեղեցի, ելցէ ընդ ապաշխարողսն, մի լոկ ի Վառաձաներոցսն, այլ յամենայն ժամ. և քննեալ հեաքն ի ձեռն ողորմութեան բաղում ինչ ծախել ի կարօտեալս վասն փրկութեան անձին իւրոյ, ջերմ արտասուօք զյետին թռչակն առցէ:

Թ. Որք ի հարցուկս և ի դիւթս երթան, տուգան կալցին. եթէ ազատ է՝ երկու հարիւր դրամ, եթէ շինական՝ գան արբցէ տասն և հինգ կրկին. հարիւր դրամ տուգան կալցին, և կարօտելոց տացին. երեք ամ ապաշխարեալ՝ հաղորդեցին: Ապա եթէ եպիսկոպոս կամ երէց երթեալ իցէ ի հարցուկս, և ստուգեցին իրքն երկու կամ երեք վկայիւք, . . . եպիսկոպոսն յեպիսկոպոսութենէն անկցի, և երէցն յերիցութենէն. հազար դրամ եպիսկոպոսն տուգանեցի, և հինգ հարիւր երէցն. . . : Ապա եթէ ի կարգ պաշտօնէիցն և յուխտէ Արեղայից երթեալ իցեն ի հարցուկս, կամ որդի երկու, զպատուհաս, և զտուգան և զապաշխարութիւն աշխարհականացն կրեցին, և ի կարգէ պաշտօնէիցն ի բաց ելցեն: Եթէ այր, եթէ կին՝ կանոն այդ լիցի:

Ժ. Որ ի դիւթութեան գացին, ԺԲ կրկին գան արբցեն, խանձեցեն, մրեցեն ոսկերս արկցեն, և յուրկանոց տարցեն, և երկու ամս ադասցէ դողեացն. . . : Եթէ ազատ է և ի դողենոց չերթայ, երեսուն դրամ ի դողիւն տացէ, և ինքն երկու ամ յիւր եկեղեցւոյն ապաշխարեացէ և հաղորդեցի, և այլ մի մեղիցէ:

ԺԳ. Որ կոծ դնեն մեռելոց և անյուսութեամբ լան, թողեալ զյուսով և զօրհնութեամբ հրաժեշան. . . : Եթէ

յաղատաց կամ ի շինականաց առաքելական կանոնիս ընդդիմացաւ և կոծ եղ, նշովեսցին դնելքն և կոծողքն, և ամ մի յեկեղեցի մի՛ մտցեն. և առգան կողմին զազատին հարիւր դրամ, և շինականին յիսուն . . . :

ԺԵ. Որ զկին հօր որդի ունիցի . . . ոչ ընդունի զնա կանոնս. և ի սուրբ եկեղեցի մի՛ մտցէ. և յամենայն ժողովոյն նշովեսցին մինչև ապաշխարեսցեն. Եւ ամ ընդ ունկնդիրս, Գ. ամ ընդ ձեռամբ, Վ. դրամ աղքատաց, Վ. դրամ յեկեղեցի, քննեալ զվարսն՝ հաղորդեսցի : Եթէ հայր զորդոց կին ունիցի, զդոյն պատուհաս և նշովք, եթէ եղբայր զեղբօր՝ նոյն պատուհաս : Եւ թէ զջերմ հարապատի, և զազգականի՝ մի՛ ոք իշխեսցէ առնուլ. եթէ կնոջն կամք լիցին, զպատուհաս և զտուգանս և զնշովս զնոյն կրեսցէ. բայց յապաշխարութիւն կալցեն զկինն և յուրկանոց տացեն, և Ժ. ամ աղացէ զողեսցըն, ապա եթէ ազատ է, Զ. դրամ տուգան տացէ :

ԺԶ. Որ զազգականն կին առնու . . . զքոյր, կամ զքեռորդի, կամ զեղբօրորդի, կամ զհօրքոյր, կամ զայլ ոք յազգականին իւրում մինչև ի չորրորդ ծնունդն՝ կին առնել մի՛ իշխեսցէ, զի մի՛ պատառումն եղիցի սուրբ հաւատոյն. քանզի բարկութիւն անձին իւրում գործէ այնպիսին, թերակատար եղիցի, և զաւակ անօրէն անկողնոց մի՛ բողբոջեսցի . . . : Երգ եթէ ոք ընդդիմացի օրինացս և հաստատեալ կանոնիս, և ի հեթանոսութիւն և ի հրէութիւն կործանեսցի, ընդ նոսին լիցի բաժին նոցա, և յեկեղեցւոյ հեռացեալ լիցի . . . : Եւ եթէ այնպիսեացն պսակ ոք

օրհնեսցէ, կամ ի հարսանիս երթիցէ, կրցորդ եղեցի գործոց նոցա և ի կարգէ պաշտօնէիցն հեռացի . . . : Եւ որ խոտորեցաւն յօրինաց և յեկեղեցւոյ, թէ դարձցի ի զեղծ ամուսնութիւնէն, ի ձեռն մեծամեծ արոց մինչև զկէս ընչից և զկէս իրաց և զկենաց հոգւոց իւրեանց տացին ի կարօտեալս և ի վշտադնեալս. յեկեղեցի զաւուրս կենաց իւրեանց աղաշխարեալ՝ ի վախճանի իւրում լիցի արժանի հաղորդելոյ : Եւ զխաւորք եկեղեցւոյն որ ի խորհրդին էին և որ զպսակն օրհնաց, Ը. դրամ եպիսկոպոսն, Ս. երէցն տուգանեսցեն, և ապա մատիցեն յերկրութիւն . . . :

ԺԷ. Եպիսկոպոս ոք, կամ երէց կամ սարկաւաղ՝ կամ մի ի պաշտօնէից՝ տան տիկին անուռն մի՛ իշխեսցէ առնել որպէս սովորութիւն է մ՛ծղնէից. ապա եթէ ունիցի ոք և վկայութեամբ ի յայտ եկեսցէ, ի կարգէն յորում է, անկցի ի բաց, և համարեսցի որպէս զամպարիշտն և զմաքսաւորն, զի սուրբ Եկեղեցի և խորհուրդն Տէրունական զանարատն ընդունի. զի ըստ սասաւորք ի ձեռն նորա փրկեսցին :

ԺԸ. Օվ եթէ ոք ի պաշտօնէից և յուրտե մանկանց ի հաւատս կայցէ, կամ մեկեղեց կամ զի՞նչ և է, զսրբութիւն կամ զկուսութիւն պահել, և կենացն յաւիտենից հասանել, ընդ ընկերս կայցէ ընդ ճմարիտս և ի միմեանց շնեսցին սիրովն Վրիստոսի . . . : Որ միայնակեաց կամ լինել և կուսան, և զհաբեղայութիւն յանձն առնուլ, զկանոնդ զայդ կայցէ, ամենայն որ ի հաւատս կայցէ :

ԺԹ. Եւանց կամաց զխաւոր Եպիսկոպոսի աշխարհին՝ Եպիսկոպոսք մի՛ լիցին.

և վրանայ երէց կամ անապատաւ որ առանց
գաւառի Ապիսկոպոսին չիշխէ լինել. ե-
պիսկոպոս ոք, կամ երէց, կամ ազատ,
կամ շինական վասն առաջնորդակարգելոյ
և հովիւս պատրաստելոյ Ակեղեցւոյ և
օրինադիրս . . . թէ կարի յանարգաց
ոք է և յարհամարհելոց, և միայն նա-
խանձաւոր սրբութեանն և օրինացն է,
յառաջ կայցեն . . . :

ԺԷ. Աթէ ոք նշխարս Մարտիրոսաց կա-
միցի դնել, առանց Ապիսկոպոսի աշխար-
հին մի՛ դիցէ . . . : Աթէ ոք ի սուրբ
տեղեացն Մարտիրոս բերէ, առ Ապիսկո-
պոսն բերցէ վկայութեամբ և թղթով ե-
պիսկոպոսացն ուստի բերին, և իւրեանց
Ապիսկոպոսի հրամանաւ գիցեն՝ ուր ար-
ժան է: Առ ի թէ ոք սեղան կամի կանգ-
նել, Տէրունական խորհրդին, առանց Ա-
պիսկոպոսին մի՛ իշխեսցէ . . . :

ԺԸ. Աթէ վարդապետի ուրուք կամ զա-
շակերտ կամ զժողովրդական կամ զքա-
հանայ նզովեալ իցէ կամ բանադրեալ,
այլոց տեղեաց վարդապետ կամ Ապիս-
կոպոս կամ քահանայ մի՛ իշխեսցէ զանի-
ծեալն օրհնել և զբանիւ կապեալն լուծա-
նել, բայց թէ հաւատով և ի սէրն հոգե-
ւոր յուղղութիւն եկեսցէ . . . :

ԺԹ. Աթէ ոք ի մօղնէութեան գտցի
կամ երէց՝ կամ սարկաւադ կամ ի հա-
բեղայից՝ քահանայութիւնն լուծցի, ա-
ղուէսադրոյմ ի ճակատն դիցէ, և ի տեղի
միճգնաւորաց յապաշխարութիւն տացին.
ապա թէ դարձեալ ի նոյն գտցի, զջիզսն
կտրեսցեն զերկօսեան և ի գոգենոցն տա-
ցեն . . . :

Ի. Որ յուրուք ժողովրդենէ մօղնէ
գտցի, և երէցքն դիտեն և ո՛չ յայտենն

եպիսկոպոսին, եթէ յայտնի լիցին թէ դի-
տել երէցն զգործս նոցա, և ո՛չ բողոքեաց
եպիսկոպոսին, զպատուհասն զոր եղին
կանոնքս՝ կրեսցեն . . . : Ապա եթէ ե-
րէցն ասիցէ ցԱպիսկոպոսն և յայտ առ-
նէ, և Ապիսկոպոսն կարասի առնու և
ծածկէ կամ աչաւի . . . այնպիսին նը-
զովեալ եղիցի և ցԱկեղեցւոյ հեռացի:
Աթէ իշխան ոք ծածկեաց և թագոյց ըզ-
մօղնէայսն կամ վասն կարասւոյ, կամ
վասն ակնառութեան . . . նոյնպէս նը-
զովեալ եղիցի . . . : Ամ իշխան ոք
կամ ընտանիք նորին գտցին ի մօղնէութեան,
նոյնպէս նզովեալ եղիցին, և ի հը-
րապարակ մի՛ իշխեսցեն դալ . . . *):

Առ եղեալ միաբան քահանայապետից
և քահանայից և ամենայն հաւատացելոց
զկարգս զայս և զկանոնս, և ընթերցեալ
առաջի ամենայն զօրացն և զօրագլեաց, և
հաճէին հաւանութեամբ ամենայն աշխար-
հըն Հայոց, ասելով միաբան զօրացն և զօ-
րագլեաց, իշխանացն և նախարարաց, ա-
զատաց և շինականաց թէ՛ այո՛ այո՛ կարգ
և օրէն այդ կացցէ ինչ որ վասն մեր օգտի է
և փրկու թիւն ոգւոց մերոց. իշխանութիւն
եկեղեցւոյ Աստուծոյ և մեզ առաջնորդ և
առիթ ի կեանսն յաւիտենից. ամէն:

(Շարունակէլ).

ԱՔԷԼ ԱՐՔԵՊԻՍԿՈՊՈՍ.

(*) Այս ամենայն քանոնքին կանոնք եղեալք
յառաջին ժողովն Հաճապիվանու, կոչեցեալք
Կանոնք սուրբանայ վասն օրինադանցից՝ զրեալք
են օրինակօք և ընդարձակ վկայութեամբ սուրբ
զրոց ի կանոնադիրս մեր, զորս ըստ այսմ համա-
նօտեցաք: